



Universitätsbibliothek Paderborn

**Scintillæ Ignatianæ, Sive Sancti Ignatii De Loyola,
Societatis Jesu Fundatoris Apophthegmata Sacra**

Hevenesi, Gábor

Coloniæ, 1715

VD18 10988289

1. Martij. Qui se, suásque rationes Dei obsequio postponet, huic Deus multò consulit meliùs, quàm potuisset ipse consulere sibi, si Dei obsequium suis rationibus postponere voluisset. S. Ignat. ap.

[urn:nbn:de:hbz:466:1-50423](https://nbn-resolving.de/urn:nbn:de:hbz:466:1-50423)

get; quem secat, urit, disponit ad sanitatem;
ita æternus pater filium, quem amat, castigat,
cui parcit, non curat. Absit à me, Domine,
prosperitas, absit indulgentia!

I. Martij.

Quis est, suæque rationes Dei obsequio postponit, huic Deus multò consulit melius, quæm potuisset ipse consulere sibi, si Dei obsequium suis rationibus postponere voluisset. S. Ignat. ap. Bart.

Cui prima est de Deo cura, omnia illi fluent secunda; cùm enim ea, quæ Dei sunt, curamus, ille curat nostra, eaque longè felicius, quæm ipsi non solum præstare, sed & optare potuissimus.

Desideria propria suspecta nobis esse debent; cùm quid nobis expediat, ipsi ne sciamus. Periculosa est nostra electio, id solum est reliquum consilii, ut Deum amemus, & illum sinamus de nobis agere, quod illi visum fuerit.

Conatus nostri sæpe sunt detrimenta nostra, quæque appetebamus vehementius, quoties experti sumus, maximè nocuisse! Quæramus Regnum Dei, cætera adjicientur nobis.

Cùm

Cùm quis sui videtur oblitus , tun
Deus ejus maximè recordatur. Et quiden
ejus est Providentia , ut cura illi sit de om
nibus, tenerior tamen , & paterna de illis
qui sui minorem habent. Jacta spem tuam
in Dominum.

2. Martii.

*Longè ad infima ei est descendendum
quisquis eniti ad sublimia velit. S. Ignatius
apud Ribaden. l. 5 c. 3.*

AD favores divinos alia non repen
tur semita , quām per demissionem
Hāc ivēre , quotquot ad virtutis apices
sunt eluctati.

Altiores obices , quos ob arduitatē
transilire non vales , profundē inclinatu
poteris superare. Ventus excelsas cedros
frangit, parcit myricis , quæ se ad omnē
eius nutum submittere noverunt. Pericu
losa sublimitas !

Si recumbas invitatus in novissimo loco,
sperare poteris te auditurum: amice, a
scende superiū: Sic aquæ sublimius ascen
dunt, dum priūs profundiūs descenderunt.

Humilitate velle honores mercari , du
plex arrogāntia est; mereri altiora laudem
habet.